

杭州府志
(乾隆)
九

杭州府志卷三十六

寺觀三

仁和縣

圓照寺 在天開河順治年間臨濟正宗茆溪森開山

世祖賜名圓照寺後森歸隱華嚴庵圓寂建塔寺內雍正十一年

奉

敕追封明道正覺禪師供奉塔院奉

旨重修

御書法輪宏轉扁額

浙江通志

廣嚴寺 在臨平鎮西舊名華嚴院晉義熙十二年建隋大業末

杭州府志卷三十六 寺觀三

一一

燬唐初恢拓舊址會昌中燬大中十二年寓士陸同芳濬井得石

函華嚴經六十一卷遂捨宅為寺建塔以藏武林志宋治平中改廣

嚴寺萬曆志元至正末燬明洪武初重建二十四年立為叢林成化志

正統十年重修武林志

化度寺 在城北江漲橋梁天監間朱異捨宅為寺名衆安隋改

衆善唐改重雲再改承雲宋治平二年改今額元至元間兵燬至

正間重建後併香積寺嘉靖縣志

明因尼寺 在臨平鎮西南陳至德二年冬因鎮沈為湖御史胡

敏請建賜額隋大業中罹於兵燹唐開元二十二年翊聖皇后賜

金重修會昌中燬宋治平元年重建崇甯四年徽宗賜額御書一

十二字皇后亦賜三十二字並揭於華嚴寶閣建炎初燬邑人姚成出資繕葺元太師伯顏甥孫女撤八出家茲寺皇太后賜金三

十斤再新

明因寺記

勝果禪寺

在鳳凰山隋開皇二年建唐乾甯間重興宋慶曆五

年郡守請賜額曰崇聖南渡廢爲禁苑清熙十三年重建德祐末

燬元至元二十年復興至正間燬明洪武四年重建永樂十五年

立爲叢林正德九年鼎新嘉靖丙辰倭寇至被焚戊午復建

聖果寺志

國朝乾隆三十年

高宗南巡

御題勝果寺聯額

新纂

寺觀三

一一三

附崇聖塔 在鳳凰山頂七級高二十餘丈宋景祐初聖果寺

僧惠然建慶歷五年郡守鄭戩奏請賜號崇聖咸淳志南渡建行

宮廢成化志

吉祥寺 舊在臨平唐中宗神龍元年湖有光掘地得彌勒石象

乃建寺以象光為額且名其湖宋大中祥符間改吉祥寺明永樂

十三年以潮水壞遷黃鶴山之陽萬曆志

按乾隆志所載吉祥寺在永昌門外舊在皋亭山周顯德間

建宋紹興間請福安吉祥額咸淳九年重建與萬曆志異

昭化寺 舊在武林門外即今吳山驛地唐長慶三年建院名龍

龕宋大中祥符間遷芳林鄉改賜昭化紹興間官以其地建倉復

遷德勝橋元皇慶三年敕賜藏經建閣明武四年重建賜額昭化

寺立為叢林永樂九年火復建

國朝康熙六十年西域刺麻白格隆卓錫重修

昭化寺碑記

安隱寺

在臨平山之南唐宣宗時建名永興院

臨平記

後唐清秦

元年吳越王重建名安平宋治平二年改今額

咸淳志

元至正末燬

復建明洪武間立為叢林

成化志

永樂十三年重修

嘉靖縣志

萬曆二十

一年建禪堂

安隱寺志

梵天寺

在東鄉芳梅村唐天祐元年吳越王建名順天院宋治

平二年改今額元末燬明洪武十年復建後併保慶院

成化志

大安寺

在臨平山後梁貞明二年吳越王建

成化志

宋治平元年

改大慈元末燬明洪武初重建復名大安寺乾隆志

永慶禪寺 在黃鶴山之陽今稱龍居寺後唐清泰二年吳越王

建佛院宋建炎間名永慶元燬明萬曆中重建臨平記

治平寺 在永和鄉唐天成間靈素法師建名祥符宋治平間改

今額元末燬明洪武十四年重建仁和縣志

淨信寺 在桐扣山石晉天福間周連捨宅建名恩平宋治平間

改今額元末燬明洪武間移建亭溪村嘉靖仁志

興教寺 在皋亭山西天福間吳越錢氏建名興善宋治平二年

改今額元末燬明洪武間重建乾隆志

廣教寺 在北新橋東天福間建宋大中祥符改額同上

徧福寺 在赤岸天福七年吳越王建名衆善宋治平二年改今

額慶元初重建元至正末燬明洪武初重建立爲叢林成化志

崇善寺 在安仁西鄉天福七年建名衆善宋治平初改今額大

觀三年燬建炎間重建元末燬明洪武間復建立爲叢林乾隆志下並同

福濟寺 在廉德鄉天福間朱可榮捨地建元末燬明洪武初復

建二十四年併白石寺

定光寺 在城北清湖中闡天福間吳去越王建時有汀州僧長

耳和尚居此顯定光古佛化身因名元末燬明洪武五年重建併

昭化寺並同上

佛日淨慧寺 在城東北五十里黃鶴山陰天福七年吳越王建

本少月二小

號佛日院宋大中祥符元年改今額嘉靖縣志寺久圯明萬曆間重建

浙江通志

慧日寺 在博陸村舊在孤山晉開運元年吳越王建名廣照宋

大中祥符移建今處改額元末燬明洪武中重建立為叢林康熙縣志

因果寺 在艮山門外開運二年建名崇壽宋大中祥符元年改

今額元末燬明洪武初草葺二十四年併崇福寺萬曆壬子重建

萬曆志

崇福寺 在艮山門外康熙志開運三年開山名護國禪院宋大中

祥符間改今額大觀間燬紹興中重建元末復燬明洪武二十四

年再創萬曆甲午復建崇福寺記畧

國朝順治間廢康熙五十九年復興雍正十二年

世宗命給內帑重修乾隆元年

高宗御製碑文十六年住持巨根恭迎

聖駕南巡蒙賜佛象碑揚

崇福寺志

按咸淳志載崇福院在艮山門外原爲寶壽院祥符元年改賜今額康熙仁和縣志載崇福寺在艮山門外又載崇福院在慶春門外晉爲護國仁王院後改寶壽祥符賜今額與咸淳志互異乾隆志從縣志兩列今檢本寺記略祇叙護國而不及寶壽寺與院是一是二莫得其詳姑備記以俟考

崇果寺 在武林門外夾城巷周顯德二年吳越王建舊名羅漢

院宋治平改今額元末燬明洪武初重建康熙志

殊勝寺 在艮山門外宋建隆元年吳越王建舊名最勝治平三

年改今額元至正間燬明洪武十年重建乾隆志

白石寺 在艮山門外宋建隆二年建元至正間燬明洪武三年

重建二十四年立為叢林舊在慶春門外白石村永樂十二年潮

壞移今所康熙志

外水陸寺 舊在湯鎮宋建隆間建嘉熙三年遷建海甯寶祐三

年復移於華家池北元末燬明洪武間復建二十四年併佛惠寺

乾隆志

梵天講寺 在鳳凰山杭州圖經 宋乾德中吳越王建名南塔治平中

改今額元元統中燬明永樂十五年重建

西湖遊覽志

定香寺 在艮山門外宋乾德四年建於西湖定香橋名香積院

治平二年改今額寶慶間移建今所

武林梵志

香積寺 在江漲橋北宋太平興國三年柯氏捨宅為寺舊名興

福大中祥符間改今名

萬曆志

元末燬明洪武辛亥重建立為叢林

乾隆志

寶界寺 在艮山門外舊在武林門內名翠峯宋治平間移此改

今額明洪武二十四年併崇善寺

萬曆志

普濟寺 在大雲鄉宋治平二年建元末燬明洪武初重建

乾隆志

羅漢寺 在亭溪村宋政和三年築庵

成化志

乾道四年移請嘉會

門外廢額

清祐志

元至正末燬明洪武初重建正統間復葺

國朝康熙十六年立為叢林

乾隆志

龍興寺

在臨平鎮宋宣和七年因東湖水溢建庵鎮壓額曰妙

華併建普同塔一紹興六年高宗南渡以太后駕幸賜額龍興寺

元至正末燬明洪武六年重建改額隆興

嘉靖縣志

二十四年併廣嚴

寺

成化志

真如寺

在望江門外宋建炎三年建元末燬明洪武十二年重

修後併福田寺

武林梵志

天王寺

在博陸村宋紹興元年建元末燬明洪武十五年重建

併慧日寺

乾隆志

崇先寺 在皋亭山一名崇光宋紹興間建甯宗御書皋亭山三

字及崇先顯孝華嚴教寺八字以賜元末燬明洪武間重建萬歷

間復新順治丙申重興

乾隆志

延聖寺 在候潮門外寺面江宋紹興間建庵乾道間潮勢怒激

孝宗禱而息賜延聖額改爲寺崇奉天妃嘉定間賜錢增廣之元

末燬明重建

武林志

顯教寺 在武林門外舊爲華嚴庵宋紹興間建乾道五年敕改

今額舊在城中金剛嶺嘉熙間燬寶祐間徙今處元末燬明洪武

初重建

武林志

寶華寺 在會安村宋乾道六年馬宗浩捨宅爲庵名寂慶嘉泰

間沂靖惠王重建淳祐七年移請今額元燬末明洪武三年復建

康熙縣志

寶嚴寺 在義溪村宋乾道間全仁暉捨地建名寶勝院治平中

改今額建炎四年燬紹興間重建元末燬明洪武初復建後併香

積寺 乾隆志下並同

崇聖寺 在奉口宋淳熙間建元時燬明洪武重建立為叢林

永慶寺 在清泰門外宋寶慶二年建後燬元大德至正間重建

並同上

月塘寺 在高原舊在月塘北宋嘉泰元年建賜真如院額淳熙

五年改今名嘉熙三年潮壞遷建何衢店元至正初復壞遷今所

元末燬明洪武間復建

康熙縣志

金佛寺 在豐稔鄉宋嘉泰元年建元至正六年燬明洪武十四

年重建二十四年併崇聖寺

康熙志

顯忠寺 在豐稔鄉宋嘉泰間建甯宗微行見僧持誦問之答曰

忠以事君祝壽常事稱旨賜額元末燬明初重建立為叢林

武林梵志

月輪寺 在黃鶴山陽宋嘉泰四年建嘉定五年甯宗御書普照

二字元至正末燬明洪武十五年重建

成化志

福田寺 在候潮門外羅木橋宋寶祐二年徐路鈐捨宅建寺請

額曰福田元至治間燬泰定間重建復請額加慶壽二字

萬曆志

明

洪武二十四年立為叢林

武林梵志